



UNIVERSITÄTS-
BIBLIOTHEK
PADERBORN

Universitätsbibliothek Paderborn

Onuphrii Panvinii De Trivmpho Commentarius

Panvinio, Onofrio

Helmestadi[i], 1676

Item de Triumpho.

urn:nbn:de:hbz:466:1-10300

Trium-
phus no-
vissimus
quisnam.

Quot Tri-
umphi fu-
erint acti.

Trium-
phus He-
raclii.

Triumphi autem majoris usum, usque ad Iustini-
niani tempora permanisse, satis liquet. No-
vissimus enim omnium, quod sciam, Iustiniani Imp.
auctoritate triumphavit Fl. Belisarius V. C. Africa re-
cepta, de Vandilis, & eorum Rege Gilimere, more
veteri, curru quadrijugo, in Urbem Constantino-
polim vectus. Post quem neminem amplius de more
prisco triumphasse inveni, quum post ea tempora
Imperium Romanum non solum ullum incremen-
tum habuerit, sed in præceps pronum, ab Arabibus,
& Sarracenis, Hunnis, Bulgaris, & Longobardis, po-
stremo laceratum sit, & eversum. Trecentos porro,
& circiter quinquaginta triumphos, & ovationes à Ro-
muli temporibus, usque ad Iustiniani Augusti tempora,
actos fuisse, varia, longa, & diffcili observatione in-
veni. Quum enim cccxx. actos fuisse triumphos, à
Romulo usque ad Vespasianum, referat Orosius, ego
circiter xxx. alios triumphos, à Vespasiani Imperio,
sub sequentibus Imperatoribus, usque ad Belisarium
deprehendi, fere omnes à Romanis principibus ge-
stos. Quidam referunt Heraclium Imperatorem, post
devictos, & ad internicionem fere cæsos Persas,
ipsorumque rege Chosdroe occiso, quum ingrede-
retur Hierosolymam, sanctissimæ crucis parte recu-
perata, triumphasse ; quod mihi magis triumph
umbra

METI

umbra videtur, quam justus triumphus. Nam nec curru vectus, nec cum insignibus triumphalibus processit, sed tantum victoria potitus, antiqui triumphi umbram quandam ostendit. Cæterum de cccxx. triumphis, à Romuli tempore, ad Vespasiani Augusti Imperium actis, his verbis *Orosius lib. vii.* mentionem facit. Ubi autem *Vespasianus & Titus Impp. magnificum agentes de Iudeis triumphum, Urbem ingressi sunt, pulchrum, & ignotum ante cunctis mortalibus inter cccxx. triumphos*, qui à condita Vrbe, usque ad id tempus acti erant, hoc spectaculum fuit, patrem & filium uno triumphali curru vectos, gloriofissimam de his, qui patrem & filium offenderant, victoriā reportasse. Triumphi vero honor Rōmæ usque ad Augusti Imperium frequentissimus fuit, sub quo etiam cum multi sunt Duces adepti. Nam plus quam xxx. Ducibus, nisi in verbo error sit, (ut inquit *Tranquillus*) justos triumphos decernendos curavit. Post Augusti tempora, Romanis jam toto fere terrarum orbe victoribus, raro admodum Rōmæ triumphatum est. Quum enim terra marique pace parta, undique jam bella cessassent, & omnes fere orbis terrarum nationes & gentes, vel Imperio Romano parerent, vel foedere conjunctæ essent, paucæ admodum triumphorum materiæ reliquæ fuerunt. Siquidem, intra DC. annorum intervallū, quod inter Augustum, & Justinianum fuit, vix quin-

Trium-
phus cur-
raro actus
post Au-
gusti tem-
pora.

D 3

qua-

quaginta triumphi acti sunt: quum præcedentibus temporibus, intra annos paulo plus DCC. trecentos fere triumphos, Duces populi Romani adeptos fuisse conster. Quod si aliqua bella oriti contigister, ut Parthica, Germanica, Persica (hæ enim præcipuè gentes Romano Imperio infestiores erant) ea ab Imperatoribus administrabantur, qui aliquando duo, & tres, pari præditi potestate erant, eorumque auspiciis à privatis Ducibus, vel corundem Legatis gerebantur: quare soli Imperatores de victis gentibus triumphabant. Quod si aliquando usu venisset, Romanos principes, pluribus difficillimisque bellis insurgentibus, privatos Duces ad ea suis auspiciis gerenda mittere, eis post adeptam victoriam non amplius triumphum debitum concedebant, quorum pompam sibi ipsis retinere cœperunt; sed triumphi loco, quem in Republica libera omnino meruissent, triumphalibus ornamenti, novo & tenuiore honoris genere, ab Augusto excogitato, eos honorabant. Porro autem sub Augusto Cæsare, triumphalium ornamentorum usus pro triumpho, hac ratione primum, ut lib. LV. tradit Dio, inventus est.

DE TRIUMPHALIBVS ORNAMENTIS.

ANNO Urbis conditæ DCCXL. Cn. Lentulo & M. Crasso Consulibus, Bosphoranos, qui Asandro mortuo, à Scribonio quodam sollicitati fuerant, subactos